



## PAENITENTIARIA APOSTOLICA

Prot. N. 65/21/1

### DECRETUM

PAENITENTIARIA APOSTOLICA, attentis precibus die XIII mensis Ianuarii MMXXI porrectis ab Exc.mo ac Rev.mo Patre Domino Laurentio Leuzzi, Episcopo Aprutino-Hatriensi, omnia et singula spiritalia beneficia, vi Rescripti (Prot. N. 1559/19/1) et Decreti (N. 1560/19/1) die XV Maii MMXX iam rite concessa occasione centesimi anniversarii, ex quo a Summo Pontifice Benedicto XV, in Sanctorum canonem relatus est Sanctus Gabriel a Virgine Perdolente, Clericus Congregationis a Cruce et Passione Domini nuncupatae, per Iubilarem Annum a die XVII Maii MMXX indictum usque ad diem XXX Maii MMXXI in Sanctuario Insulae Magni Saxi, Montis Fiscelli olim dicto, at propter epidemiam morbi "covid-19" cum populo diu pro dolor non celebratum, nunc pro Dei honore, Eius Sanctae Matris et Sancti Gabrielis, necnon pro fidelium spiritali consolatione, de mandato Ss.mi Domini Nostri Francisci Pp., per praesentes a die XXVII Februarii MMXXI confirmat et usque ad diem XXVII Februarii MMXXII prorogat.

Profecto ex renovata ac prorogata largitate Ecclesiae christifideles pia haurient proposita et spiritale robur vitae ad legem Evangelicam traducendae, in hierarchica communionem et filiali devotionem erga Summum Pontificem, Catholicae Ecclesiae visibile fundamentum, et proprium sacrorum Antistitem.

Contrariis quibuscumque minime obstantibus.

Datum Romae, ex aedibus Paenitentiariae Apostolicae, die XX mensis Ianuarii, anno Dominicae Incarnationis MMXXI.

*Maurus Card. Piacenza*

MAURUS Card. PIACENZA  
Paenitentiaris Maior

*Christophorus Nyku*